

ÖREIGAR ALLRA LANDA SAMEINIST!

LIFI MARXISMINN-LENINISMINN-HUGSUN MAOS TSE TUNGS!

Stéttabaráttan

Útg.: KOMMUNISTA FLOKKUR ÍSLANDS/ML 11. tbl. 5. árg. 1/6 1976.



Útg.: Kommúnista-
flokkur Íslands/ml.
STÉTTABARÁTTAN
kemur út hálfsmánaðar-
lega. Póstfang: Póst-
hólf 1357, Rvík. Sími:
27810. Gíró:27810.
Abm: Sig. I. Andrússon

Áskriftasími blaðsins
er 27810

ENGA SAMNINGA! BEYGJUM OKKUR EKKI FYRIR OFBELDINU!

MÓTMÆLIÐ SAMNINGUNUM VIÐ BRESKU HEIMSVALDA- SINNA NA

VERKA FÓLK, það er
augljóst hvað ríkisstjórnin
hyggst gera. Eina leiðin
til þess að hindra að
samið verði gegn vilja
okkar er öflug andspyrna
alþýðunnar.

Kommúnistaflokkur
Íslands/ML skorar á verka
fólk að svara svikum ríkis-
stjórnarinnar með verk-
föllum og öðrum aðgerðum
gegn samningamakkinu.

Því fleiri mótmælafir-
lýsingar - því fleiri
mótmælafundir - því fleiri
verkföll, - þess meiri
líkur eru á sigri.

BARÁTTA FJÖLDANS FÆRIR SIGUR

FULL YFIRRRÁÐ YFIR 200 MÍLUM!

Ályktun frá miðstjórn KFI/ML

Synt þykir, að ríkisstjórnin
ætlar sér að semja við breta,
þrátt fyrir einhuga vilja
Íslenskrar alþýðu, um að
engir samningar verði gerðir
og full og óskoruð yfirráð yfir
200 mílna landhelgi verði
tryggt. Full ástæða er til að
ætla, að tíminn til samninga

hafi verið valinn, með tilliti
til þess, að Alþingi hefur
farið í sumarleyfi og því
líkur á að minni umræður
verði um samningana en ella.

Miðstjórn Kommúnistaflokks
Íslands/ML fordæmir þær
starfsaðferðir, sem ríkis-
stjórnin viðhefur í landhelgis-
deilunni við breta. Hafa ber
í huga, að einmitt nýlega
viðurkenndi breska stjórnin,
að fiskveiðir breta undir her-
skipavernd við Íslandsstrendur
hafi ekki borið tilætlaðan
árangur og að heildarafinn á
ársgrundvalligæti alls ekki

orðið meiri en um 60 þús.
tonn. Ríkisstjórnin bauð á
sínur tíma nærfellt 80 þús.
tonn í samningaviðleitni sinni
við breta og við teljum líklegt
að svipað muni verða uppi á
teningnum nú.

Samningaumleitanir ríkis-
stjórnarinnar við breta fela
því ekki í sér skerðingu á
ólögmætum veiðum breta við
Íslandsstrendur, heldur þögla
viðurkenningu á rétti breta til
að fremja þá rányrkju, sem
þeir hafa stundað á Íslands-
miðum. Þær tákna raunveru-
lega uppgjöf frammi fyrir því

vopnaða ofbeldi, sem sjó-
ræningjar bresku heimsvalda-
stefnunnar hafa beitt Íslensk
varðskip.

Sérstaklega vill KFI/ML taka
eftirfarandi fram:

1. Á nýafstaðinni ráðstefnu
Sameinuðu þjóðanna um
hafréttarmál, hlaut 200
mílna fiskveiðilögsagan
alþjóðlega viðurkenningu.
Einmitt þess vegna má enga
uppgjöf sýna gagnvart
hernaðarofbeldi breta,
þegar líkur eru á að alþjóð-
leg fordæming falli þeim í

skaut fyrir verknaði sína
við stendur Íslands.

2. Samningunum sem þegar
hafa verið gerðir við m. a.
V-Þjóðverja þarf að rifta
með það fyrir augum að
tryggja fiskimiðin fyrir
rányrkju og ofveiðum.
Rányrkju Íslendinga þarf
sömuleiðis að stöðva.
3. Stefna ber að fullum og
óskoruðum yfirráðum
Íslendinga yfir 200 mílna
pólítískri landhelgi, jafnt
sem fiskveiðilögsögu.

Framhald á baksíðu

Hagsmunir NATO skipa æðsta sess hjá Geir

Þeir samningar sem nú standa fyrir dyrum munu hafa í för með sér atvinnuleysi á Íslandi þegar fram í sækir. Samningarir við breta nú eru gerðir til þess að tryggja hagsmunir NATO og hagsmunir íslenskrar alþýðu eru bornir fyrir borð, enda ósamrýmanlegir hagsmunum NATO. Aðdragandi samninganna er skýr, ofbeldi breta hefur vakið margan íslending sem áður var fylgjandi NATO-áðild, fjöldi fólks snýst nú í fyrsta sinn gegn veru landsins í þessu "varnarbandalagi."

Aðgerðir herstöðvaandstaðinga öðlast geysifylgi og tilraunir Sjálfstæðisflokksins til þess að halda landhelgismálinu aðskildu

frá NATO-áðildinni býður hnekki.

Það er augljóst að ef samningar sem breta geta sætt sig við verða ekki gerðir núna þá mun ofbeldi þeirra á miðunum aukast. Fréttir um undirbúning þeirra þar að lútandi eru ótvíráðar.

Sú þróun mála mundi örugglega auka enn andstöðuna gegn NATO-áðildinni og líklega myndi hver sú ríkisstjórn sem hygðist halda henni til streitu falla.

För Einaris Ágústssonar á ráðherrafund NATO og gangur mála þar sýnir að páfar einokunarauðvaldsins íslenska hafa lagt til atlögu, til þess að reyna að

bjarga "heiðri" NATO og að koma í veg fyrir vöxt andstöðunnar.

Einar fór ekki til að "rífa kjaft" eins og hann sagði sjálfur - HANN FÖR TIL ÞESS AÐ SEMJA VIÐ NATO-FELAGA SÍNA OG TRYGGJA HAGSMUNI BANDALAGSINS - HANN FÖR TIL ÞESS AÐ VINNA GEGN HAGSMUNUM ÍSLENSKS VERKA LÝÐS!

Einar og Geir Hallgrímsson hika ekki við að éta allt ofan í sig sem þeir hafa áður sagt. Þeir eru reiðubúnir til þess að fallast á samninga sem grafa undan lífsbjörg íslensks verkalyðs. Þeir fara í einu og öllu að eins og NATO best hentar, þess

vegna eru þeir andstaðingar íslenskrar alþýðu.

Verk þeirra þola ekki dagsljós. Þess vegna er allt þetta laumuspil með samningana. EN SAMT ER DEGINUM LJÓSARA AÐ SAMNINGARNIR VIÐ BRETAN ERU ÓSAMRÝMANLEGIR HAGSMUNUM ÍSLENSKRAR ALÞÝÐU.

Látum því ekki undan ofbeldi breska auðvaldsins og svikamakkis þess íslenska; verkafólk - fylkið ykkur undir kröfur-

nar;

ENGA SAMNINGA!

FULL YFIRRAÐ YFIR 200

MÍLUNUM!

ÍSLAND FYRIR ÍSLENSKAN VERKALÝÐ OG VINNANDI ALÞÝÐU!

GEGN OFVEIÐI - GEGN SAMNINGUM

SAMNINGARNIR

Það eina sem hefur hingað til hindrað íslensku borgarastéttina í að semja við breta er einhuga andstaða íslenskrar alþýðu við alla saminga sem fela í sér afsal á auðæfum hennar. Samhliða samningamakinu í Ósló hafa borgarnir undirbúið jarðveginn fyrir aflátssamninga með lýgum og falstólum. Það hefur verið gert að höfudmáli hvort breta gefi út einhverskonar málamyndafyrirlesingu um að þeir víðurkenni 200 mílna fiskveiðilögsögu okkar í orði. Hitt skiptir víst minna máli hverju verði slík yfirlýsing er keypt.

Samningsuppkastið (sem sænska útvarpið fullyrti að væru tillögur Geirs en ekki Crosslands) gerir ekki ráð fyrir neinum hámarksafla til handa bretum. Engar hömlur eru settar á smáfiskadráp þeirra þrátt fyrir það að megin uppistaða aflans hjá þeim hefur verið þriggja ára örynþroska þorskur sem Haf-rannsóknarstofnun og Rannsóknarráð ríkisins hafa krafist að verði algerlega friðaður.

Látið er nægja að verja miðin næst landi fyrir ásókn auk þess sem aldrei mega fleiri en 26 togarar vera á Íslandsmiðum í einu. Miðað við meðalafli á úthaldsdag hjá breskum togurum í fyrra þýðir þetta rúmlega 70 þús. lesa ársafli eða 35-40 þús. lestir þá 6 mán. sem um er að ræða. Hér er um svo fífurlegt aflamagn að ræða að ríkisstjórnin þorir ekki að setja það inn í sjálfan saminginn af ótta við reiði íslenskrar alþýðu, heldur reynir að fela sig bak við fullyrðingar um að þetta sé mun minna aflamagn en breta geti veitt í skjóli ofbeldis.

Þessi fullyrðing varð hins vegar næsta hjáróma þegar breska ríkisstjórnin (þ.e. breska landbúnaðarráðuneytið sem fer með sjávarútvegsmál) birti í síðustu viku tölur um aflamagn á Íslandsmiðum frá miðjum febrúar og fram í miðjan maí.

Á þessu tímabili varð heildar-afl brettanna hér 17.682 tonn, þar af 14.229 tonn af þorski skv. skýrslu ráðuneytisins. Þessi afl er um 30% minni en breta ætluðu sér að fá á þessum tíma og stefndu þá á 100 þús. tonna ársafli. Þetta

tímabili voru allir togarar sem sjófarir voru settir á flot. A. m. k. 90 togarar hafa verið bundnir við þessar veiðar þar sem um 40 togarar voru að staðaldri að veiðum og fróðir menn telja að tæplega helmingur tíma togaranna fari í ferðir og landanir. Auk þess kostuðu breta gífurlegum fjármunum til "verndar" togurum með því að senda hingað hátt á annan tug "verndarskipa" og dráttarbáta.

Margt bendir þó til þess að aðeins hluti þessara 17 þús. tonna hafi raunverulega verið veiddur við Íslandsstrendur, heldur hafi togarnir komið við á Færeyjamiðum og fyllt sig á leiðinni heim. A. m. k. gefur breska landbúnaðarráðuneytið ekki upp neina aflaukningu breskra togara við Færeyjar þrátt fyrir að færeyskir sjómenn kvarti mjög yfir stjórakinn á sókn breskra togara þar. Samningsuppkastið felur því í raun í sér heimild handa bretum til að veiða mun meira magn, með næstum helmingi minni flota, næstu 6 mánuði en þeim tókst í skjóli hernaðar ofbeldis fyrri helming ársins.


Enn er ótalið eitt atriði samningsuppkastsins sem berjast verður harkalega gegn. Það er ákvæðið um rétt EBE til að ráðskast með landhelgi aðildarríkja sinna. Slíkur samningur yrði sem hnífstunga í bak breskra sjómanna sem heyja nú baráttu fyrir friðun sinna eigin fiskimiða og gegn ofveiði einlendra sem erlendra burgeisa. Í dag nýta breskir sjómenn aðeins líðlega þriðjung þess afls sem veiðist innan 200 mílna frá ströndum Bretlands. Baráttan fyrir fiskertum yfirráðum okkar yfir 200 mílna landhelgi er um leið baráttan fyrir hagsmunum breskra sjómanna og allrar alþýðu eins og Roger Bibbings fulltrúi Kommúnistaflokks Bretlands (ml) sagði 1. maí síðastliðinn á fundi Baráttueiningar í Reykjavík.

RÁNYRKJAN

Í "svörtu skýrslunni" sem unnin var af Hafrannsóknarstofnun sumarið 1975 kemur fram að slík ofnýting er á þorskstofninum íslenska, að fiskifræðingarnir lögðu til að á árinu 1976 yrði aflamagnið takmarkað við 230 þús. tonn. Nýrri upplýsingar og rannsóknir valda því að margir fiski-

fræðingar telja nú að 150-180 þús. tonna afl sé nær sanni sem leyfilegur hámarksafl. Þar sem örynþroska fiskur (yngri en 6-7 ára) er orðinn meginuppistaða aflans er mjög vaxandi hættan á að hrun stofnsins sé á næsta leyti verði þessum ábendingum ekki sinnt.

Við skulum minnst þess að annar síldarstofninn sem hrundi upp úr 1966 (þ.e. svo nefnd Faxaflóssíld eða vorgot-síld) hefur enn ekki náð sér aftur þrátt fyrir margra ára algera friðun.



"Línuritinn sýna hvernig skipulagslaus sókn í síldar- og þorskstofnana hefur leikið kynþroska hluta þeirra. Þegar hrygningastofn er kominn í vissu lágmark verða líkurnar á því að klak takist mjög lítil og því tekur langan tíma að ná stofni sem þannig er ástatt um upp í eðlilega stærð."

Það hefði mátt ætla að hin bitra reynsla af eyðingu síldarinnar hefði kennt íslensku borgarastéttinni að hófleg nýting fiskistofnanna er gifturíkust. En svo er ekki. Það er ekki eðli auðvaldsins að hugsa um langtíma hagsmuni alþýðunnar, heldur ræður sú regla að sölsa undir sig sem mest á sem skemmstum tíma, þ.e. sóknin í hámarksgróðann. Þess vegna undirbýr auðvaldið nú, þegar eyðing þorsks og ýsustofnanna virðist á næsta leyti, stóruka sókn í þá stofna sem komast næst þeim að aflaverðmæti þ.e. karfa og ufsa. Þrátt fyrir þessa sókn í aðrastofna hyggjast borgarnir ekki draga úr sókninni í þorskinn. Þjóðhagsstofnun gerir ekki ráð fyrir minnkandi þorskafla og hinn "gallharði" sjávarútvegsmálaráðherra okkar Matthías Bjarnason ítrekar í fjölmiðlum að "leyft skuli að veiða 280 þús. tonn á þessu ári.

og kaupa ný veiðarfæri krefst gífurlegra fjárfestinga. Vegna ástands fiskistofnanna nú yrði sú uppbygging að verða á mjög skömmum tíma. Við höfum reynslu af því í sambandi við skuttogarakaupin hverjir það eru sem munu borga slíka uppbyggingu.

Það er augljóst að bátaútgerð mun dragst saman ef óbreyttri stefnu er fylgt, og um leið öll vinna við fiskverkun. Mörg frystihús munu loka, ýmist tímabundið (flest frystihúsanna á Snæfellsnesi munu verða lokað í sumar) eða alveg.

Hættan á lamandi atvinnuleysi í fiskiðnaði og síðar í öðrum stvinnugreinum vofir yfir.

GEGN ÖLLUM SAMNINGUM UM AFSAL Á AUÐLINDUM OKKAR

FULL YFIRRAÐ YFIR 200 MÍLUNUM

AFHJÚPUM ÍSLENSKA AUÐVALDIÐ

ÁRANGURINN MÁ EKKI FRÉTTAST

31/5. Fyrir skömmu birtist frétt í morgunútvarpi um veiðar bresku togaranna hér við land frá miðjum febrúar fram í miðjan maí. Fréttin var aðeins lesin í morgunútvarpi, en ekki í 10 fréttum né hádegisfréttum. Það var full ástæða fyrir íslenskt auðvalds, sem nú hyggst ganga til samninga við breskt auðvald, að banna þessa frétt. Þær tölur sem birtar voru, komnar frá breska sjávarútvegssráðuneytinu, sýna að veiðar þeirra undir herskipavernd hafa fært þeim lífinn afla og verið mjög kostnaðarsamar.

Aflatölurnar, sem voru lesnar aðeins einu sinni, voru á þessa leið:

Þorskur:	14.230 t.
Ætl. afl:	17.437 t.
Afli alls:	17.682 t.
Ætl. afl:	24.430 t.

Þessar tölur þýða að ársafli hefði verið um 70.000 tonn, og að ekki hefur tekist að ná ætluðum afla. Upphaflega bauð íslenska auðvaldið því breska 80.000 tonna ársafli, en því höfnuðu þeir. Tölurnar sem nú eru birtar segja ekki alla söguna samt. Þær eru eins háar og mögulegt var að þína þær, kunnugir telja að hluti þessa afls sé í raun ekki frá Íslandsmiðum, heldur sé hann fenginn við Færeyjar. Tilgangur bresku ríkisstjórnarinnar með þessu er sá að reyna að falsa árangurinn af veiðipjófnaði þeirra hér við land.

Til þess að fá þennan afla hefur breska útgerðin þurft að gera út um 70 togara, því að samkvæmt fréttum hafa að meðaltali verið tæplega 40 togarar að veiðum og það þýðir að um 70 togarar stunda miðin. 30 eru á siglingu til og frá miðunum.

Íslenska ríkisstjórnin, sem nú gengur til samninga um rétti breska auðvaldsins til þess að stunda veiðar hér við land, vill ekki að þessar tölur nái til almennings. Hagsmunir NATO og gróðahagsmunir íslenska einokunarauðvaldsins eru í veði - þá er logið og blekkt eins og mögulegt er.

Íslenskt auðvalds svarar ekki ofbeldi breska auðvaldsins eins og vera ber vegna þess að hagsmunir þess eru tengdir framhaldandi aðild að NATO - það er aðeins íslensk alþýða sem getur svarað ofbeldi breska auðvaldsins eins og vera ber. Fjöldabaráttan er eina leiðin. Keflavíkurgangan 15. maí sýndi að sú baráttan er að hefjast.

Framhald af baksíðu

YFIRLÝSING MIÐSTJÓRNAR

Þetta er sérlega mikilvægt, þar sem styrjaldarhættan og yfirgangur beggja rísa-veldanna - USA og Sovét - færir í vöxt á N-Atlantshafssvæðinu.

Bresku herskipin verða skilyrðislaust að hverfa á braut án þess að samið verði við breta. Ísland - auðlindir þess og landsgæði - tilheyrir íslenskum verkalyð og vinnandi alþýðu með réttu. Þess vegna forðæmir miðstjórn KFI/ML framferðir ríkisstjórnarinnar í þessu máli.

Fundur miðstjórnar í Reykjavík 27/5 '76.

Miðstjórn Kommúnistaflokks Íslands/ML.

Guðmundur J. Guðmundsson
Nóatúni 26

Guðmundur J. Guðmundsson
Nóatúni 26
R.